

BEKIMI I MATH I UJIT

Kjo Sherbese behet nje here ne mot, me 5 te Jenarit, ne Vengjillen e Epifanise, pas Meshes se Shen Basilit. Nje ene me uje vihet mi nje Tryeze ne mes te Kishes me Kryqin dhe me nje tuje besiloku. Prifti dhe Dhjaku, me Temjanicen dhe me llambadhe, dalin nga Alltari, dhe shkojne ne mes te Kishes, dyke kenduar ketó Tropare ne T. T. IV:

Zeri i Zotit po therrét mi újerat e thote: Ejani te

gjithë, merrni Shpirtin e urtesisë, dhe friken e Perendisë, Zotit Jesú Krisht që u-fanës në Jordán.

Sot bekohet natyra e újeve, sot lumi Jordán po çahet, edhe valat e tij qëndrojnë, dyke para Zotin të pagezohet.

Si njerí ardhe në lumë, o Mbreti ynë Jesú Krisht, edhe kerkón të pagezohesh për mekatat tona, nga dora e Profetit o njeridashes.

LAVDI E TANI: Degjove zërin e Profetit, që bertiste në shkretëtirë, dhe ardhe me fytyrën e një robi, dhe kerkove Pagezimin, o Zot i pamekatme. Të panë újerrat edhe u-drothën, u-tremp edhe Parerëndesi, dhe thirri dyke thënë: Si do ta ndriconjë dýllin kandili? Si do ta dorëzonjë robi Kryezotin? Bekome mua dhe újerrat o Shpëtimtár, ti që ngre mekatat e botës.

Ne këtë mes, Pifti temjanís reth e rotull tryezës, pas-táj thuhën Kendimet:

DHJAKU: Urtesí.

KENDONJESI: Kendimi nga Profetia e Isaiut.

DHJAKU: Le të vëmë re.

KENDONJESI: Keshtú foli Zoti: Gezohu, o shkretëtirë, që ke etje; gezohu, o shkretëtirë, dhe lulezó si trendafil. Dhe do të lulezonjë shkretëtira e Jordanit, edhe do të kendonjë me ngazellim; edhe do të jipet lavdí' e Libanit edhe nderi i Karmelit; edhe pópulli im do ta shikonjë lavdinë dhe lartésin' e Perendisë. Forcóhuni, o duar të dóbeta dhe gjunjë të pafuqishim. Shtýjini zemervégjelit, edhe thójuni: Kini kuraje, dhe mos kini frikë, se

ja Perendia ynë do t'ju çpagúanjë; aý vetë do të vinjë, dhe do t'ju shpëtonjë. Aherë do të çelen syt' e të vérbërve, dhe veshet e të shúrdherve do të degjojnë. Aherë do të këcenjë i çali si dreri, dhe goja e nemeçit do të bertasë; se újerrat edhe përronjë do të derdhen në shkretëtirën e thatë. Dhe dheu i paujë do të bëhet moçale, dhe shkretëtira do të buronjë luménj; dhe atjë, ku kishin folenë drangonjë, do të ketë bushe dhe gjethë. Dhe atjë do të ketë një udhë të paqme, e cila do të quhet udha e shenjë. Andéj nukë do të shkonjë i paudhi; atjë do të baresin të arratísurit, edhe nukë do ta humbasin udhën. Atjë nukë do të ketë luancë; atjë nukë do të ketë egersira të keqia. Atjë do të baresin të shpëtuarit edhe të ftúarit e Zotit. Dhe róberit do të çlirohen, edhe do të kthehen në Sión me kengë brohorie; dhe do të gezohen, e do të ngazellohen me defrime; atjë nukë do të ketë as dhembje, as helme, as psheretime.

DHJAKU: Urtesí.

KENDONJESI: Kendimi nga Profetia e Isaiut.

DHJAKU: Le të vëmë re.

KENDONJESI: Keshtú foli Zoti: Ju, që kini etje, éjani për ujë; dhe ju, që s'këni argjént, éjani të blini, të hani, e të pini verë dhe qumesht pa nonjë pagesë. Përsé harxhoni argjéndin tuaj për gjera, që nuk ushqejnë, dhe përsé mundóheni për gjera, që nukë ngopin? Degjómeni, dhe do të hani gjellet mé të mira, dhe shpirti juaj do të gezohet me defrime. Vérmani veshin, dhe éjani pas meje.

Degjómëni, dhe shpirti juaj do të rronjë; dhe do tju jap meshirat e shigurta të Davidit me dhjatë të perjëtsime. Ja ku ju dhashe një udhëheqës e një kumandár si deshmím përpara pópujve. Dhe do të ftosh kombe, që nukë të njohin; dhe popuj, që nukë ta dinë emrin, do të perikin pranë teje për Zotin Perëndinë tënt edhe për Shenjtin e Israelit, se aý të ka lavderuar. Kerkójeni Zotin taní që munt ta gjeni, dhe taní që është pranë. I paudhi le të heqë dorë nga ligësite, dhe i pabesi le të largohet nga prapësite; dhe kthéhuni me Zotin, edhe aý do tju meshironjë; se aý i ndjen mekatat pa kursím. Se mejtmet e mia, thotë Zoti, nukë janë si mejtmet túaja, dhe udhët e mia nukë janë si udhët túaja. Po sa lark është qelli nga dheu, aqë lark janë udhët e mia nga udhët túaja dhe mejtmet e mia nga mejtmet túaja. Se, sikunder shiu dhe debora zbresin nga qelli, dhe nukë kthehen prapë, po e vaditin dhënë për të mbirë dhe për të lulezuar, dhe japin farë për të mbjellur dhe bukë për të ngrënë; ashtú edhe fjala, që del nga goja ime, nukë do më kthehet e zbrazur, po do të mbaronjë dëshirat e mia dhe porrosít' e mia. Se do të dilni me ngazellím, dhe do të vazhdoni me paqë; se malet edhe brigjet do të kecejnë, dhe do tju presin me gas, dhe gjithë lisat e pyllit do të trokasin dúartë. Dhe në vendin e drizës do të mbinjë qiparisi, dhe në vendin e shkozës do të mbinjë mirsina. Dhe ketó do ta leçitin emrin e Zotit, edhe do të qëndrojnë si shenja të perjëtsime, dhe nukë

do të priten kurrë.

DHJAKU: Urtesí.

KENDONJËSI: Kendimi nga Profetia e Isaiut.

DHJAKU: Le të vëmë re.

KENDONJËSI: Keshtú foli Zoti: Merrni uje me ngazellím nga pusi i shpëtimt. Dhe do të thoni atë ditë: Lavderójeni Zotin, thírreni emrin e tij; lajmerójeni kómbeve veprat e tij; kujtójeni, se u-lartësua emri i tij. Kendójeni emrin e Zotit, se ka bërë çudira, që i di bota e tërë. Gezóhuni dhe brohoritni ju, që banoni në Sionë, se u-lartësua Shenjti i Israelit në mes të saj.

DHJAKU: Le të vëmë re.

KENDONJËSI: Zoti është drita ime dhe shpëtimimi im. Zoti është forca e jetës sime.

DHJAKU: Urtesí.

KENDONJËSI: Kendimi prej Letres së Parë së Palit për Korinthianët.

DHJAKU: Le të vëmë re.

KENDONJËSI: Vellezer, nukë dua të mos dini se të gjithë áterit tanë ishin nënë rënë; dhe të gjithë shkuan nëpër detin; dhe të gjithë u-pagezuan me anën e Moisiut në rënë dhe në detin; dhe të gjithë héngerne gjithatë gjelle shpirtërore; dhe të gjithë pine gjithatë të pirc shpirtërore; se kanë pirc nga shkëmbi shpirtëror, që i pasonte; dhe aý shkëmb ishte Krishti.

KORI: Alilluja, alilluja, alilluja.

DHJAKU: Urtesí, o të drejtë. Le ta degjojme Ungjillin e Shenjtë.

PRIFTI: Paqe të gjítheve.

KORI: Dhe me frymen tende.

PRIFTI: Kendimi prej Ungjillit të Shenjte pas Markut.

DHJAKU: Le të veme re.

PRIFTI: M' até koha, Jesúj ardhi nga Nazareti i Galilese, dhe u-pagezua prej Joanit në Jordán. Dhe menjherë, kur dilte nga uja, pá se qelli u-ça, dhe Shpirti zbriti mi koken e tij si një pullúmp. Dhe një zë ardhi nga qelli: Ti je im Bir i dashur, që më ke pelqyer.

KORI: Lavdí më ty, o Zot, lavdí më ty.

Pastáj Dhjaku thote Litaninë e Madhe:

DHJAKU: Më paqe le ti lútemi Zotit.

KORI: Meshiró, o Zot.

DHJAKU: Per paqen që lártazi, dhe per shpëtimin e shpírteve tona, le ti lútemi Zotit.

KORI: Meshiró, o Zot.

DHJAKU: Per paqen e terrë botes, per mirëvajtjen e Kísheve të shenjta të Perendisë dhe per bashkimin e të gjithave, le ti lútemi Zotit.

KORI: Meshiró, o Zot.

DHJAKU: Per Kryepeshkopin tone (*aksh*), per prifterinë dhe dhjakerín' e nderuar më Krish-tin, per terrë klerin dhe pópullin, le ti lútemi Zotit.

KORI: Meshiró, o Zot.

DHJAKU: Që të shenjterohet kjo ujë me fuqinë, veperimin dhe permindodhjen e Shpirtit Shenjt, le ti lútemi Zotit.

KORI: Meshiró, o Zot.

DHJAKU: Që të dergohet mi këtë ujë hiri i çperblimit edhe bekimi i Jordanit, le ti lútemi Zotit.

KORI: Meshiró, o Zot.

DHJAKU: Që të behet kjo ujë shërim i shpírteve dhe i trúpeve dhe largim i gjithë fórcave armike, le ti lútemi Zotit.

KORI: Meshiró, o Zot.

DHJAKU: Që të bëhemi bij dhe trashëgimtarë të Mbretërisë qellore me pjesëtimin dhe sperkatenjen e këtij uji, le ti lútemi Zotit.

KORI: Meshiró, o Zot.

DHJAKU: Që të shpëtojmë prej çdo hidherimi, merie, reziku dhe nevoje, le ti lútemi Zotit.

KORI: Meshiró, o Zot.

DHJAKU: Perkraha, shpëtona, meshirona dhe rúajna, o Perendí, me hirin tënt.

KORI: Meshiró, o Zot.

DHJAKU: Tereshenjten, të pacinúaren, të permibekúaren, të lavderúaren, Kryezonjen tone, Hyjlíndesen dhe gjithënjë Virgjereshen Marí dy-ke kujtuar me gjithë Shenjtoret, veten tone dhe njerjatrín dhe terrë jeten tone Krishtit Perendí le tja pranojmë.

KORI: Ty, o Zot.

PRIFTI: Se ty të ka hie çdo lavdí, nder e adhurím, Atit e Birit edhe Shpirtit Shenjt, taní e per-herë dhe në jetet e jéteve.

KORI: Amín.

Pastáj Prifti kendón me ze te larte keté Urate:

PRIFTI: I math je, o Zot, dhe të habiçime janë veprat e tua, dhe asnjë fjale s' është e mjaftë për të treguar çudirat e tua (3 here). Se ti i bërë të gjitha nga e paqena; se ti zbritë mi dhënë, dyke marre fytyrë rob; se ti e shpëtovë gjindjen njërezore nga tiran' e djallit; se ti i shenjterovë valat e Jordanit; dhe ti i dërmovë krerët e drangonjve, që folesonin atjë. Ti pra, o Mbret njeridashes, eja dhe taní me permindodhjen e Shpirtit Shenjt, edhe shenjterojë keté ujë (3 here). Ep-i hirin e çperblimit edhe bekimin e Jordanit; dhe falu shenjterimin, bekimin, paqesimin, shendetin dhe ndjesën e mëkátave të gjithëve sa e prekin, a lyhen, a e kungojnë. Kujtó, o Zot, Kryepeshkopin tonë (aksh); tërë prifterinë dhe dhjakerinë me Krishtin; pópullin, që rri rotull; vëllëzerit tanë, që nukë ndodhen; dhe meshiroji të gjithë me dhempshërinë tënde. Që të lavdërohet emri yt i shenjtes, i Atit e Birit edhe Shpirtit Shenjt, taní e përherë dhe në jetët e jéteve.

KORI: Amín.

PRIFTI: Paqe të gjithëve.

KORI: Dhe me frymen tënde.

DHJAKU: Krerët tona Zotit le tja unjím.

KORI: Ty, o Zot.

Pastáj Prifti thote me ze te unjur keté Urate:

PRIFTI: Vërna veshin, dhe degjona, o Zot, që dignovë të pagëzohesh në Jordán, dhe ti shenjtes-

rósh újërát; bekona të gjithë né, që po únjemi përpara tëje si shërbetoret e tu; dhe vlerësona të marrim shenjterimin tënt me pjesëtimin dhe sperkátjen e ketí uji; dhe na u-bëftë, o Zot, për shërim të shpirtit e të trupit.

Se ti je shenjterimi i shpërtesë dhe i trúpeve tona, dhe ty të dergojmë lavdí, Atit e Birit edhe Shpirtit Shenjt, taní e përherë dhe në jetët e jéteve.

KORI: Amín

Pastáj Prifti e bekón ujen për se treti, dyke pagëzuar Kryqin, dhe thote keté Tropár në T. I:

Kur pagëzohesh në Jordanin o Zot për né, aherë falja e Shen Trinisë kudó u-çfaq, se zer' i Prindit po na dëshmontë për ty fáqëza, dhe Bir të dashur të tij po të quántë; edhe Shpirti i Shenjtes si një púlump, vërtetontë çdo fjale me shigurí. Ti që u-fanësë Krisht Perendí, dhe ndriçovë botën lavdí me ty.

Pastáj Prifti e sperkát tërë pópullin, dhe besnikët e përshëndoshin Kryqin. Pastáj këndohet Shkurtorja në T. IV:

U-fanësë me lavdí, në tërë botën, edhe drita jote sot, na u-shënuá me çudí; pra të hymnojme me kupetím: Ardhe u-dukë, o drit' e paafrúarshme.

Pastáj jipet Nafora, dhe behet Përleshimi i Shkurter:

Krishti, Perendia ynë i vërtetë, që u-pagëzua prej Joanit në Jordán për shpëtimin tonë, me

nërmjetimet e Shen Marisë dhe të gjithë Shenjtó-
rëve, na mëshiroftë, dhe na shpëtoftë si i mirë dhe
njëri dashës.